



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XLV.

urn:nbn:de:hbz:466:1-11453

ritatem verbum vitæ nouitijs ad fidem Christi gentibus predicarent, bona sibi Imperatoris venia abesse liceat ecclesie: nam summi pontificis gratia Calixti dudum sibi permissam predicandi in gentibus licentiam. Nō erat in omni curia Imperatoris, qui sancto pontificis voto auderet refragari, ne rex ipse quidem: sed cunctis sanctum eius propositum laudantibus, erant, qui prospera illi imprecarentur eunti ad gentem incredulam, magno sui sanguinis periculo: Soli Bambergenses sui patris absentiam lamentari, se pastore destitutos lupis exponi, extrema pati malle, quam eo se pontifice destitui. Sed non erat, qui se diuinæ voluntati ausit obicere. Et illo in Pomeranos proficiscente, rex in Saxones, vt sermo loquebatur, se apparabat.

CAPVT XLV.

Cooperat iam inter reges Angliæ & Franciæ hoc diuturnum de Normandia bellum: cui se Imperator pro socero Angliæ rege immiscere constituens, verbum emisit de expeditione in Saxones, re autem vera in Ludouicum Franciæ regem. Mouit ergo in Gallias Henricus, & ad Rhemos confederat, cum iam Ludouicus Franciæ rex, nè hostiles exercitus iungerentur, Imperatorem omnibus copijs constituit adoriri, lenius ducens, vni quam duobus occurrere. Totius igitur regni viribus coactis Imperatori fit obuius. Ille autem vbi tantis Francorum copijs imparem se vidit, paulatim retrò pedem tulit: nec carebat res idoneo colore, quod properanter in Normatienses ducere constituisset, qui pontificem eiecissent à Cesare institutum, suumq; quem volebant, reposuissent: in quos presenti ducens expeditione, urbem obsidione cinxit, Rhenumq; suprâ & infrâ communiuit, nè quid importaretur. Crebra sub mœnibus pugnæ mul-

tis vtring, castis captisq; : sed fames effecit, vt post aliquot dies vrbici quinq; millibus talentorum mulctati, ad arbitrium Imperatoris de episcopo fieri paterentur. Quo tempore Otto Bambergensis episcopus ex sua peregrinatione reuersus, gaudium Paschale duplicauit, quodd & suam presentiam desideratissimis ciuibus pastor bonus exhiberet, & magno cum fœnore lucratis tot Christo animabus, felix pater de tot filijs tripudiabat : Vrbium nomina, in quibus prædicauerat, fidemq; seminauerat, populo baptizato, & Dominicis præceptis instituto, hæc sunt : Poritz, Stetin, Wolin, Camin, Colberg, Belgrat, Lubin, Gresh. Proximus autem annus, qui fuit vicesimus quintus post centum mille, ad X. calendas Iunij, Imperatori fatalis fuit : Nam cum ageret Traiecti, diu celatam infirmitatem corporis, cum iam inualesceret, diutius tegere non valens, morbum vocant Dracunculi, qui illi natiuus erat, regina ac proximis detexit. Fridericus Sueuie dux illi & sanguine & consilijs proximus aderat, illius cura Imperij insignia in arce designata permisit, vt principum illa conuentui reseruaret. Ille munitus ecclesie sacramentis, spiritum Deo reddidit, Anno XX. regni, XIII. Imperij, in dimidio dierum suorum : quod illi fertur Papa Paschalis prædixisse : Nam neq; prolem vidit, neq; senium attigit, neq; temporum meruit tranquillitatem. Eiectis visceribus, corpus Spiram perducitur, & cum patre atq; auo, simul & proauo tumulatur : prodente versiculo, qui per tumulos diuisus ostendit loculos singulorum, hoc modo : Filius hic, pater is, auus hic, proauus iacet illic : Henrici tres, quintus, quartus, tertius : filius, pater, auus. Caterum Conradus II. eius nominis, erat Henrici V. proauus : stirps ac radix generis : Truncum vocant Iurista non rectè.